

Tahniah kepada guru 18 NOV 1978 seni silat Alhaq

pencak silat
SAYA ingin mengucap syabas kepada Encik Hosni dan Berita Minggu atas pendedahan mengenai Silat Alhaq.

Memandangkan pada hangatnya Alhaq dijadikan bahan perbincangan di kalangan umat Islam di Singapura, adalah lebih baik jika Encik Hosni membentangkan sejarah, cara menjalani latihan konsentrasi dan syarat-syarat mempelajari seni silat ini.

Saya percaya masyarakat boleh berbicara secara terbuka dan ini penting dilakukan kerana anak-anak kita ramai tertarik dengan Alhaq.

Untuk menghilangkan rasa buruk sangka, saya berharap juga supaya pihak Muis turut memberikan pandangan tentang permainan silat ini.

Jika Alhaq tidak bertentangan dengan ajaran Islam, teruskanlah usaha ini kerana setiap orang Islam harus belajar mempertahankan diri masing-masing melalui cara-cara yang diredhai Allah.

M.Z.H. AFFANDI
SINGAPURA 7

Persisi diduga terbitkan Berita Minggu majalan Warisan 19 NOV 1978 mulai Jan

pencak silat
PERSEKUTUAN Silat Singapura (Persisi) dijangka akan menerbitkan majalah triwulannya "Warisan" mulai Januari ini jika segala persiapan yang dibuat sekarang berjalan dengan lancar dan licin.

Lima orang anggota sidang pengarang yang dipimpin oleh Encik Arif Dahari, telahpun dibentuk dan sedang menyusun bahan-bahan untuk penerbitan itu.

Lain-lain anggota terdiri daripada Encik-Encik Johari Urif, Mohammad Kaspari, Rahim Dayan dan Haris Abdul Samat.

Rapatkan

Penerbitan majalah tiga bulan sekali itu dipandang penting oleh persekutuan sebagai satu cara untuk merapatkan lagi tali silat-urahim antara kerabat.

Di samping itu, ia juga bertujuan untuk mendedahkan kegiatan Persisi dan kerabat dalam majalah tersebut.

Semasa mengesahkan usaha-usaha Persisi untuk menerbitkan majalah tersebut, seorang jurucakap berkata; "Kami juga akan menggunakan majalah itu sebagai mengkaji dan mengulas komen-komen yang dibuat oleh akhbar.

"Selain dari itu, mana-mana badan kerabat yang ingin menyiarkan tentang kegiatan mereka akan dialu-alukan.

"Bukan saja itu, tinjauan terhadap seni silat bukan-Melayu akan juga dibuat dan disiarkan dalam majalah tersebut untuk tatapan dan penelitian para ahli," ujarnya.

Anjurkan khatan 21 NOV 1978 cara beramai2

PERSATUAN Islam dan Pencak-silat Singapura (Peripensis) akan menganjurkan acara berkhatan beramai-ramai, dalam masa cuti sekolah penggal akhir ini.

Tiap seorang dikenakan bayaran \$12 dan mereka yang ingin turut serta boleh mendaftar secara perseorangan atau mener-

usi surat di pejabat peripensis di No. 9 Ipoh Lane.

Di samping itu, persatuan ini juga akan mengadakan kursus membaca Quran serta Mukaddam, bertempat di Bedok North Road dengan bayaran \$2 sebulan.

Mereka yang berminat boleh mendapatkan butir selanjutnya dari jawatan-kuasa penganjur.